

আকিল্লা ও প্রিক্সিল্লা, “পেশাগত”, তাম্বু নির্মানকারী

স্বেচ্ছাকর্মীরা নিজেরাই নিজেদের ভরণপোষণ করেন এবং খ্রীষ্টের দেহরূপ মণ্ডলীর সেবা করেন।

যারা শিশুদের শিক্ষা দেন তাদের অবশ্যই অধ্যয়ন V3b পাঠ করা উচিত।

১. প্রার্থনা ও শাস্ত্র পাঠের মাধ্যমে আপনার হৃদয় ও মন প্রস্তুত করুন যেন নূতন কার্যকারী নিয়োগ করতে পারেন।

প্রার্থনা : “প্রভু যীশু আমরা তোমাকে ভালবাসি এবং তোমার সেবা করতে চাই। দয়া করে আমাদের হাতের কাজে বৃদ্ধি দাও, যেন আমরা আমাদের দৈনিক প্রয়োজন মিটাতে পারি, যেন তোমার মণ্ডলীর সেবা করে যেতে পারি এবং অবহেলিত জায়গায় যেন তোমার রাজ্য বিস্তার করতে পারি।”

অনেক জায়গায় পালক ও প্রেরিতেরা নিজেদের প্রতিপালনের জন্য অন্যত্র কাজ করেন আবার সেই সঙ্গে আকিল্লা ও প্রিক্সিল্লার মত খ্রীষ্টের দেহরূপ মণ্ডলীর পরিচর্যা করেন। এই স্থানগুলি যুক্ত হতে পারে...

- ক) যেখানে বিশ্বাসীরা অনেক নূতন মণ্ডলী ও গৃহ মণ্ডলী তৈরী করছে
- খ) যেখানে আপনি অথবা আপনি যে প্রেরিতদের পাঠিয়েছেন, তাদের শ্রমের প্রতি সঠিক মনোভাব ব্যাখ্যা করে দেখানো উচিত সাধু পৌল অলস থিয়লনিকীয় খ্রীষ্টিয়ানদের প্রতি করেছিলেন (২য় থিয়লনিকীয় ৩:৬-১৩)
- গ) যেখানে অসামরিক কর্তৃপক্ষ যীশুর অনুগামীদের প্রতি আক্রমণাত্মক।
- ঘ) যেখানে বিশ্বাসীরা এতই গরীব যে তারা তাদের পালককে বেতন দিতে অসমর্থ এবং অনেক নূতন নেতাকে অবশ্যই প্রশিক্ষণ দিতে হবে।

যখন আপনার মেসপাল নূতন নূতন গৃহ মণ্ডলী বা মণ্ডলী তৈরী করছে, তখন আপনাকে অবশ্যই নূতন নেতা নিয়োগ করতে হবে, এবং তাদের সাহায্য করুন যেন তারা বুঝতে পারে তাদের কি করতে হবে এবং সঠিকভাবে পরিচর্যা করতে হবে। যেভাবে আপনি অন্য শহরে নূতন দল তৈরী করেন অথবা দূরে কোন জায়গায় শুরু করেন, সম্ভবত যেখানে আপনি অথবা আপনি যাকে পাঠাচ্ছেন তিনি কোন ছোট ব্যবসা সেখানে শুরু করতে পারেন। যেন নিজেরাই নিজেদের ভরণপোষণ করতে পারেন।



আকিল্লা ও প্রিক্সিল্লার একটা ছোট ব্যবসা ছিল এবং পৌলকে তারা নিয়োগ করেছিল।

প্রেরিত ১৮:১-৩ পদে খুঁজে বার করুন...

- আকিল্লা ও প্রিক্সিল্লার কি ধরনের ছোট ব্যবসা ছিল? (১৮:৩)
- তারা কোন শহর পরিত্যাগ করেছিল এবং তাদের ব্যবসা সঙ্গে নিয়ে এসেছিল (২)
- কোন্ সুসমাচার প্রচারককে তাঁর প্রয়োজনের সময় তারা কাজে নিয়োগ করেছিল (৩)

প্রেরিত ১৮:২৪-২৬ পদে খুঁজে বার করুন...

- আকিল্লা ও প্রিক্সিল্লা তাদের ঘরে কাকে আরো বেশী প্রশিক্ষণ দিয়েছিল
- তারা কোথায় আপল্লোর দেখা পেয়েছিল (সমাজগৃহ ছিল যীহুদীদের প্রার্থনা গৃহ)

রোমীয় ১৬:৩-৬ পদে খুঁজে বার করুন...

- পৌল কিভাবে আকিল্লা ও প্রিক্সিল্লা সম্বন্ধে বর্ণনা করেছেন, যারা নিজেদের ভরণপোষণ নিজেরাই করতেন (৩)
- যেখানে পৌল এবং তারা একসাথে কাজ করতেন সেই জায়গা কি নিরাপদ ছিল, কিন্তু প্রতিকূলতা ছিল (৪)
- মণ্ডলী কোথায় মিলিত হতেন (৫)

২. আপনার সহকর্মীদের সঙ্গে এই সপ্তাহের কার্যক্রম নিয়ে পরিকল্পনা করুন এবং নতুন দল শুরু করার পরিকল্পনা নিন।

আক্লিলা ও প্রিক্লিলা সম্বন্ধে যা শিখেছেন তা নিয়ে আপনার সহকর্মীদের সঙ্গে আলোচনা করুন। সহকর্মীদের কাছে ব্যাখ্যা করুন যে তাদের দুটি কাজ আছে জীবিকা অর্জনের জন্য একটি ধর্মবর্হিভূত কাজ, আর একটি প্রভুর জন্য পালকীয় কাজ। তাদের সঙ্গে আরো আলোচনা করুন যে নতুন দল কোন ব্যবসা শুরু করতে পারে কিনা এবং তাদের ছেড়ে দিতে হবে যেন তারাও গিয়ে নতুন দল তৈরী করতে পারে।

ব্যাখ্যা করুন কি ধরনের ছোট ব্যবসা তাদের গড়ে তোলা উচিত।

- সেই ব্যবসা এমন হওয়া উচিত যেন সেটা অন্য শহরে নিয়ে যাওয়া যায়।
- ব্যবসা ছোট হওয়া উচিত যেন তারা নিজেরাই চালাতে পারে।
- তাদের এমন সহকর্মী নিয়োগ করা উচিত যারা নিজেরা আবার নতুন দল তৈরী করতে পারে।
- সেটা যেন সহজেই শুরু করা যায়, সহজ প্রযুক্তি ব্যবহার এবং স্বল্পমূল্যের কাঁচামাল হয়।
- এটা স্থানীয় লোকদের সঙ্গে যেন যোগাযোগ স্থাপনকারী হয়।
- এটা যেন এমন হয় যে কর্মীরা নিজেদের কাজের সময় নিজের মনোনিবেশ করতে পারে।
- এর মাধ্যমে কর্মীদের নিজেদের ঘরেই যেন প্রভুর সেবা করতে সমর্থ হয়।

প্রার্থনা করুন যে ঐ ব্যবসায় প্রভুর ইচ্ছা দেখতে পাওয়া যায়।

আলোচনা করুন তাদের কি ধরনের পালকীয় কাজ করতে হবে। কারণ তাদের অনেক অর্থও নেই বা যথেষ্ট অবসর সময়ও নেই, তাই তাদের এই ভাবে করতে হবে...

- যতক্ষণ পর্যন্ত না অন্যেরা জায়গা দিচ্ছেন ততক্ষণ নতুন দলকে তাদের নিজেদের ঘর ব্যবহার করতে বলুন।
- ছোট ছোট দলে শিষ্য তৈরী করুন, বড় জায়গা ও গীর্জা ঘরের করার দরকার নেই।
- ব্যক্তিগত ভাবে নতুন নেতা তৈরী করুন অথবা ছোট ছোট দলে প্রশিক্ষণ দিন।
- খুব তাড়াতাড়ি নতুন নেতাদের নতুন দলের দায়িত্ব দিন।
- প্রশিক্ষণ সামগ্রী সংগ্রহ করুন যেমন যেগুলি আপনি এখন পাঠ করছেন। অধ্যয়নগুলো সস্তা হওয়া দরকার, যেন সহজেই অনুকরণ করা যায় এবং সহজেই যেন মনোনিবেশ করা যায়। (বাছাই করার জন্য কয়েকটি বিকল্প থাকা প্রয়োজন)।

৩. আগামী আরাধনার বিষয় সহকর্মীদের সঙ্গে নিয়ে পরিকল্পনা করুন।

এমন কার্যক্রম বেছে নিন যেন সেটা স্থানীয় প্রয়োজন ও রীতিনীতির সঙ্গে মানিয়ে যায়।

প্রথম ভাগে যে বাইবেল পাঠ আছে তা পাঠ করুন, এবং আক্লিলা ও প্রিক্লিলা গল্প বলুন।

আক্লিলা ও প্রিক্লিলা কাজের বিষয় অভিনয় করুন।

প্রথম ভাগের পাঠে আপনি যে পেয়েছেন তার থেকে প্রশ্ন করুন। বিশ্বাসীদের উৎসাহিত করুন দুই ধরনের কাজের বিষয়ে।

যারা দুই ধরনের কাজ করে তাদের সাক্ষ্য দিতে বলুন যে ঈশ্বর তাদের কাজের মধ্যে কি ভাবে আশীর্বাদ করেছেন।

বিশ্বাসীদের উৎসাহিত করুন যেন প্রভুর মণ্ডলীর কি ভাবে সেবা করা যায় সে দিকে দৃষ্টি দেয়, যখন তারা নিজেদের ভরণপোষণের জন্য উপার্জন করছে।

শিশুরা নাটক উপস্থাপনা করুক, সেই সঙ্গে কবিতা ও প্রশ্লোত্তর যা তারা প্রস্তুত করেছে সেগুলি করুক।

প্রভুর ভোজ সম্পাদনের জন্য পাঠ করুন মথি ২২:১-১৪ পদ যেখানে এক ব্যক্তি বিবাহের পোষাক ছাড়া বিবাহ বাটিতে উপস্থিত ছিল সেই বিষয়ে বলা হয়েছে। এর সঙ্গে তুলনা করুন হারোনের, যার বেদীতে পরিচর্যা কাজের সময় পৌরহিত্যের পোষাক পরিধান করার প্রয়োজন ছিল। ব্যাখ্যা করুন যে আমরাও যখন প্রভুর মেজে আসি তখন “খ্রীষ্টকে পরিধান” করা অবশ্যই কর্তব্য।

একসঙ্গে মুখস্থ করুন প্রেরিত ২০:৩৩-৩৫

বিশ্বাসীরা ছোট ছোট দল গঠন করুন যেন তারা অন্যকে উৎসাহিত করতে পারে, একসঙ্গে পরিকল্পনা করুন, একে অন্যের জন্য প্রার্থনা করুন এবং যে লোকেরা শহরের মধ্যে অবহেলিত তাদের জন্য প্রার্থনা করুন।

Copyright 2004 © by Paul-Timothy. May be freely copied. Download from www.Paul-Timothy.net